



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱԿՅԻՆ ԱՄԵՐԻԿԱԿԻ ԱՐԵՄՍՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ՀՕՄԻ ՆՈՐԸՆՏԻՐ ՇՐՋ. ՎԱՐՉՈՒԹԻՒՆԸ

Հայ Օգնութեան Միութեան Արեւմտեան Միացեալ Նահանգներու Շրջանային նորընտիր Վարչութեան կազմը Հինգշաբթի, 28 Օգոստոսի առաւօտուն այցելեց Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեանի կողմէ:

Պատուիրակութիւնը կը գլխաւորէր վարչութեան ատենապետուհի Տիկ. Վիքի Մարաշլեան, որ Առաջնորդ Սրբազանին ներկայացուց վարչութեան անդամներն ու անմիջական ծրագիրները: Պատուիրակութեան կ'ընկերանային ՀՕՄԻ Ընկերային Ծառայութեան բաժանմունքի պատասխանատուները:

Առաջնորդ Սրբազանը, իր կարգին, ներկաներուն ծանօթացուց Ազգ. Առաջնորդարանի յարկին ու անոր հովանիին տակ տարուող աշխատանքի կալուածները: Ան ողջունեց ՀՕՄԻ Շրջ. Վարչութեան այս նախաձեռնութիւնը եւ գնահատանքով արտայայտուեցաւ հայկական տարբեր օճախներու գործնապէս օժանդակելու ՀՕՄԻ աննահանջ պատրաստակամութեան մասին:

Խորհրդակցութեան գլխաւոր նիւթերէն էր Ջաւախքի հայութեան վիճակուած նորագոյն դժուարութիւններն ու անոր աջակցութեան ձեռք երկարելու կարելիութիւնները, մանաւանդ որ ՀՕՄԻ Կեդրոնական Վարչութիւնը այս իմաստով կոչ մը ուղղած է վիրահայոց օժանդակութեան: Առաջնորդ Սրբազանը հաստատեց, թէ Ազգ. Առաջնորդարանն ու անոր հովանիին տակ գործող բոլոր միաւորները՝ եկեղեցի թէ դպրոց, միշտ պատրաստ եղած են գործնապէս ընդառաջելու Հայաստանի ու հայկական որեւէ օճախի օժանդակութեան նախաձեռնութիւններուն, միաժամանակ վեր առնելով համակարգուած աշխատանք տանելու անհրաժեշտութիւնը:

Հրաժեշտի պահուն, Առաջնորդ Սրբազանը յաջողութիւն մաղթեց ՀՕՄԻ վարչականներուն ու պատասխանատուներուն եւ անոնց նուիրեց ժազ Ս. Յակոբեանի նորագոյն հատորէն՝ «Մեսրոպավէպ»էն օրինակներ:

PRELATE WELCOMES NEWLY ELECTED A.R.S. REGIONAL EXECUTIVE MEMBERS

On the morning of Thursday, August 28th, H.E. Archbishop Moushegh Mardirossian, Prelate, welcomed to the Prelacy the newly elected members of the Armenian Relief Society Regional Executive. Representatives from ARS Social Service were among the delegation, which was headed by Chairlady Mrs. Vicky Marashlian.

The meeting began with Mrs. Marashlian introducing the new members and presenting the upcoming projects the organization has planned, which was followed by the Prelate acquainting the members with the various departments and undertakings of the Prelacy.

A central topic of discussion was the plight of Armenians in Javakh and the aid being offered to them through the Central Executive of the ARS. The Prelate affirmed the support and readiness of the Prelacy and affiliated bodies to offer any assistance necessary to Armenians worldwide, and stressed the importance of having coordinated efforts in this regards.

At the conclusion of the meeting the Prelate wished the members success in their endeavors and responsibilities, and presented them with copies of Jacques Hagopian's "Mesrobaveb" book.